



Najukkami sukkulinnik soorlu sikunik kaaginillu tunisassiortartut unammillersinnaassusaat qaffassarniarlugu sukkunut akitsuutinik utertitsisarnermut aaqqissuussinerup atuuteqqilernissaa eqquteqqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Utertitsisarnermut aaqqissuussineq eqquteqqinneqassaaq ulloq 1. januaari 2020 aallarnerfigalugu.

(Inatsisartunut ilaasortaq Justus Hansen, Demokraatit)

(Siullermeerneqarnera)

Demokraatinut pingaaruteqarluinnarpoq nunatsinni akitsuutit qaffasissusaata malinnaaviguarnissaat. Puigussanngilarpummi Demokraatit isumaat naapertorlugu akitsuutit tassaammata isertortumik akileraarusersuinerit tamanut eqquisartut aammalu ajoqutaaneruserartut iluaqutaanerannut naleqqiullugu. Inuiaqatigiinni kikkulluunniit akitsuutinik akiliisarput, qanorluunniit iseritaqaralarunik.

Demokraatiniit isumaqarpugut nioqqutissaq kiffaartuussinerluunniit ima akitsuusersorneqartigisassanngitsoq allaat niuerfik ipitineqarsinnaassalluni. Isumaqarpugut inuit kiffaanngissuseqartariaqartut nammineq aalajangersinnaassallugu suut pisarissanerlugit nammineq piumasartik naapertorlugu.

Taamaattumik qujamasuutigeqaarput Inatsisartunut ilaasortap Justus Hansenip una siunnersuut oqaluserisassanngortimmagu. Kukkungaatsiarnikuuvugummi. Najukkami tunisassiortunut ajornarnerulernikuuvoq soorlu sikunik tunisassiornissaq aammalu tamatumap kinguneranik nammineq pilersorsinnaanerput mangiarparput avataaniik eqqussuineq allisussanngorlugu. Demokraatiniit isumaqarpugut nunatsinni niuerneq iluaqutissartaqartuaannassasoq aammalu akitsuutit unammilleqatigiinnermut innarliisut ajorpata ajoqutaappatalu taava allanngortitassaqarsimavugut.

Pisortat akitsuutillu nunatsinni nassaarniallaqqinnermut isumassarsiullaqqinnermullu aporfionngisaannassapput. Paarlattuanik kusanartunik, aalajaatsunik pitsaasunik aammalu isumaqarluartunik sinaakkusersuissaagut aammattaq malittarisassiussaagut suliffimmik pilersitsisinnaanermut tunaartaasussanik. Aallarnisaasartut namminersortullu nukittuut uagut isumarput naapertorlugu pisariaqarluinnaqqissaarput ujartukkagut siuariartorneq atugarissaarnerlu pilersinneqassappata.

Uggornaqaaq ullutsinni tamakku pilersissinnaannginnatsigit. Namminersorlutik suliffiutillit kiffaanngissuseqartittariaqarpagut pikkoriffimminnik aallussinisaanut, tassalu sullivinnik pilersitsisarnermut, siuariartornermik, atugarissaarnermik ineriartornermillu. Pisarissersorneqassanngillat suliniutinik paasiuminaatsunik pisariaqanngitsunillu. Uagut isumarput naapertorlugu paarlattuanik suliffeqarfiit minnerpaamik naleqqussarneqartassapput, akileraarusersorneqartassapput aammalu



ikorfartorneqartassallutik. Napaannarnissaannut aqqutini tamanna peqqinnarnerpaavoq. Pingaaruteqarluinnarpoq suliffiutilinnut akitsuuterpassuit naapertuuttuunissaat aamma ima akitsuusersuitigilissanngilagut allaat suliffinnik pilersitsiniarlutik, ineriartorniarylutik, siuariartorniarylutillu aningaasalersuisinnaanerat innarlissallutigut, taamaattoqassanngilaq.

Ersarissumik oqaatigissavarput siunnersuut tapersensoratsigu taamaattumillu Aningaasaqarnermut Akileraarnermullu Ataatsimiititaliamut ingerlateqqikkusupparput suliareqqitassanngorlugu.